



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1566 usque ad annum 1572

Fleury, Claude

August. Vind. [u.a.], 1772

VD18 90118634

§. 29. Michaeilis Saracenæ Cardinalis mors.

[urn:nbn:de:hbz:466:1-67213](#)

Sæcul. XVI sua Diæcesi receptis Ecclesiasticorum
A.C. 1568. mores corrigerentur, pauperes recre-
rentur, ordinumque Religiosorum fine
extenderentur: quapropter Capuc-
nis monasterium concessit, & quam-
dam Ecclesiam Fratribus Prædicato-
bus attribui curavit. Obiit Romæ
sexta Januarii sacris tribus Regibus
cra, anno ætatis suæ sexagesimo se-
mo, atque hæredes in testamento in-
stituit pauperes, quorum morbi
Nosocomio S. Jacobi curari haud pot-
erant. Corpus ejus sepultum est in E-
cclesia sanctæ Mariæ de Ara Cæli ante
Altare maximum, ubi ejus epitaphium
marmoreo monumento incisum visitur.

§. XXIX.

Michaelis Saracenæ Cardinalis mor-

Ciacon.
pag. 770.

Alter erat Joannes Michael Saracena
ortus ex nobilissima inter Neapolitanas familia, quæ olim Girifalca, post
ea autem ob victoriam de potentissima
hoste faraceno a fortissimo equite Ger-
tile reportatam Saracena fuit nominata.
De cetero Michael die prima Novem-
bris Anno Domini millesimo quadrin-
gentesimo nonagesimo octavo primam
lucem aspexerat, atque Archiepiscopus
Materanus ad Cæsaris Caroli V. nomi-
nationem a Clemente VII. tertia Julii die
Anno post Christum natum millesimo
quin-

Sæcul. XVI.

A.C. 1568.

quingentesimo trigesimo primo renuntiatus est: interfuit quoque Concilio Tridentino, atque a Julio III. Romanorum rerum administrationi præfectus postea Cardinalis creabatur: cum vero inter Canonicos Regulares S. Augustini Congregationis Lateranensis, & Monachos S. Benedicti Congregationis Casinensis lis exorta esset, Pius IV. Pontifex rem totam Cardinalibus Saraceno, Cicadæ, ac Tranensi commisit: insuper idem Papa hunc cum septem aliis Purpuratis Caroli Cardinalis Caraffæ quæstioni adefesse, ac judicibus assistere voluit, eique oblata Concilii Tridentini Decreta inspicienda, atque examinanda tradidit: præterea cum Philippus Hispaniarum Rex B. Didacum in sanctorum numerum referri expeteret, Saraceno ad rem examinandam cura fuit demandata. Interfuit etiam sacris comitiis, in quibus Marcellus II. Paulus IV. Pius IV. & Pius V. in Romanos Pontifices electi fuerant: tandem vero feria tertia die vigesima septima Aprilis hoc anno a partu Virginis millesimo quingentesimo sexagesimo octavo, ætatis suæ sexagesimo nono vivis eruptus est, sepultusque in Ecclesia sanctæ Mariæ supra Minervam, ubi ejus insignia, ac inscriptio sepulcralis legitur: porro illius ossa Neapolin fuere translata, ut

T 3

in

Sæcul. XVI. in Majorum suorum tumulo reponuntur.
A.C. 1568.

§. XXX.

Simonettæ Cardinalis extremi.

Ciacon.
pag. 924.

Inter Cardinales hoc anno defuncti tertius numerabatur Ludovicus Simonetta Mediolanensis, sacri, profaneque juris Doctor. Is Anno Incarnationis Dominicæ millesimo quingentesimo trigesimo sexto Pisauriensis Antistes electus huic Ecclesiæ usque ad annum reparatæ salutis millesimum quingentesimum sexagesimum præfuit, postea autem eandem cum Laudensi Episcopatu permutavit, postquam a Pio IV. Anno Salvatoris nostri millesimo quingentesimo sexagesimo primo Cardinalis tituli sancti Cyriaci in Thermis creatus fuit. Dein ab eodem Pontifice Legatus ad Tridentinum Concilium decretus, eo absoluto suorum Sociorum, omniumque Patrum nomine Romam contendit, ut decretorum confirmationem peteret: insuper adjungebatur illis, qui ipsius Concilii acta in usum deducere jubebantur: præterea præfuit Signaturæ, ut vocant, justitiæ, cum interfueret Pontificiis comitiis, quibus Pius V. Petri Cathedram ascendit. Sepultus est ad S. Mariam Angelorum in Ther-

mis